

Broj: 02-11-4-199-22/22
Sarajevo, 07-04-2022

Na osnovu člana 70. st. (1) i (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke, imenovane Rješenjem, broj: 02-11-4-199-1/22 od 31.01.2022. godine, federalni ministar raseljenih osoba i izbjeglica **donosi**

ODLUKU

o izboru najpovoljnijeg ponuđača za nabavku usluga autoservis i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar – mart 2022. godine

I

U cilju odabira najpovoljnijeg ponuđača, u provedenom postupku javne nabavke - konkurentski zahtjev za dostavu ponuda za nabavku usluga autoservisa i opravke motornih vozila i zamjene potrošnog materijala za potrebe Federalnog ministarstva raseljenih osoba i izbjeglica, za period privremenog finansiranja Federacije BiH, januar-mart, evidencijski broj nabavke: 02-11-4-199-3/22, broj Obavještenja o nabavci sa portala javnih nabavki: 668-7-2-8-3-21/22, kao najbolje ocijenjena prihvatljiva ponuda je ponuda ponuđača:

- **Saradis d.o.o. Sarajevo, Vogošća sa ukupnom cijenom ponude bez PDV-a, u iznosu od 6.137,65 KM**

II

Ponuđač iz tačke I ove odluke ocijenjen je kao najpovoljniji, jer ispunjava sve uvjete postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

III

Za realizaciju ove odluke zadužuje se Sektor za pravne, finansijske i opće poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka nabavke, broj: 02-11-4-199/22 od 31.01.2022. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosi 5.500,00 KM bez PDV-a i predviđena je Planom javnih nabavki ovog Ministarstva za period privremenog finansiranja Federacije BiH januar-mart, redni broj 1. - auto servis i opravka motornih vozila i zamjena potrošnog materijala. Obavijest o nabavci, broj: 668-7-2-8-3-21/22 poslana je na objavu dana 31.01.2022. godine, te je zajedno sa tenderskom dokumentacijom, istog dana objavljena na portalu Javnih nabavki. Nakon provedenog postupka nabavke, predviđeno je zaključivanje okvirnog sporazuma sa jednim ponuđačem na period januar – mart.

Tendersku dokumentaciju preuzelo je 9 privrednih subjekata, a 2 ponuđača su dostavili ponude u predmetnom postupku nabavke. Obje ponude dostavljene su blagovremeno. Ponude su dostavili sljedeći ponuđači: Saradis d.o.o. Sarajevo, Vogošća i Total trade d.o.o. Doboje.

Po izvršenom pregledu i evaluaciji ponuda, na prijedlog Komisije za javne nabavke, federalni ministar raseljenih osoba i izbjeglica donio je Odluku o izboru najpovoljnijeg ponuđača za nabavku usluga autoservis i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar-mart 2022. godine, broj: 02-11-4-199-10/22 od 10.02.2022. godine.

Na gornju Odluku, Ponuđač "TOTAL TRADE" d.o.o. Doboj izjavio je žalbu, koja je Zaključkom Ugovornog organa, broj: 02-11-4-199-13/22 od 17.02.2022. godine, odbačena kao neosnovana.

Na gornji Zaključak, ponuđač „TOTAL TRADE“ d.o.o. Doboj, uložio je žalbu i ista je prosljeđena Uredu za razmatranje žalbi Bosne i Hercegovine na nadležno postupanje.

Ured za razmatranje žalbi Bosne i Hercegovine donio je Rješenje, broj: JN2-03-07-1-515-7/22 od 17.03.2022. godine, kojim je usvojio žalbu ponuđača „TOTAL TRADE“ d.o.o. Doboj, poništio gornji Zaključak Ugovornog organa i predmet vratio Ugovornom organu na ponovni postupak razmatranja žalbe na Odluku o izboru najpovoljnijeg ponuđača, broj: 02-11-4-199-10/22 od 10.02.2022. godine.

Postupajući po gornjem Rješenju Ureda za razmatranje žalbi Bosne i Hercegovine, Ugovorni organ je, rješavajući po žalbi Ponuđača „TOTAL TRADE“ d.o.o. Doboj, donio Rješenje o usvajanju žalbe, broj: 02-11-4-199-17/22 od 21.03.2022. godine, a kojim je poništio Odluku o izboru najpovoljnijeg ponuđača za nabavku usluga autoservisa i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar–mart 2022. godine, broj: 02-11-4-199-10/22 od 10.02.2022. godine i postupak javne nabavke vratio u fazu evaluacije ponuda u dijelu ocjene neprirodno niske ponuđene cijene.

Komisija je, na osnovu člana 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), a u vezi sa članom 66. Zakona o javnim nabavkama, putem elektronske pošte, zatražila pojašnjenje neprirodno niske cijene od ponuđača Saradis d.o.o. Sarajevo, Vogošća. Ponuđač je dostavio obrazloženje u zadanom roku od strane ugovornog organa, a koje je ocijenjeno kao zadovoljavajuće obrazloženje ponuđene neprirodno niske cijene, te da je, cijeneći princip ekonomičnog trošenja javnih sredstava, ocijenjeno da je ponuda Ponuđača prihvatljiva.

Komisija za javne nabavke, nakon izvršenog pregleda i evaluacije prispjelih ponuda, konstatovala da su obje pristigle ponude prihvatljive.

Nakon izvršene evaluacije ponuda i provedene e-aukcije, Komisija je federalnom ministru raseljenih osoba i izbjeglica dostavila Zapisnik o pregledu i ocjeni ponuda, broj: 02-11-4-199-21/22 od 05.04.2022. godine sa preporukom o izboru najpovoljnijeg ponuđača Saradis d.o.o. Sarajevo, Vogošća, ID broj: 4200066250001, sa sjedištem u ul. Donji Hotonj bb, Vogošća.

Budući da je najniža ponuđena cijena premašila iznos procijenjene vrijednosti nabavke, federalni ministar je aktom, broj: 02-11-4-199-8/22 od 10.02.2022. godine dao saglasnost da se predmetni postupak nastavi, jer Ugovorni organ ima dovoljno sredstava za finansiranje ovog sporazuma u periodu privremenog finansiranja.

U postupku donošenja ove odluke, posebno su cijanjene činjenice da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost, niti propuste u radu, a koji bi eventualno bili osnov za neprihvatanje preporuke Komisije za javne nabavke.

U postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniže cijene“.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

MINISTAR
dr.sci. Edin Ramić

Dostaviti:

1. Svim ponuđačima u postupku
2. Komisiji za nabavke
3. a/a